

MY BIBLE FIRST

PRIMARY YEAR A
Q 4 #50

Pasian in Kumpi Thak Teel

SUNDAY

1 Saul in Amalek mite tawh kidona hong zo a, amah le amah ki-lungdamsak mahmah hi. Ahih hangin Samuel lungnuam loin, nak dah mahmah hi. Tu in Saul tawh a kimuh kul hi.

Saul in Samuel tawh a kimuh ciangin, Pasian dei h hangin ka gamta hi, ci-in gen hi. Amaan mah hiam? Maan lo hi.

Pasian in Amalek mite' neihsa khempeuh susiat dingin genkhin hi napi, Saul' galkapte in a ganhing tampite that lo hi. A galkapte in biakpiak nadingin a khawi hi, cih paulap hi. Galkapte in amau ganhing a zat sangun, tuate zang nuam zaw uh, hi kha ding hi.

Pasian in ganhing a kisap lohna Saul tungah Samuel in gen hi. Saul in thumanna kism a, tua in na khemp-euh sangin thupi zaw hi. Tu in, Saul in Pasian thu man' ding teel lo ahih manin, Pasian in Ama mite adingin kumpi thak ateel kul hi. **1 Samuel 15:22, 23.**

Tua in Saul lausak hi. Amah in thakhat-in a mawhna pulak himah leh, a ngeina mah bangin paulap nei zel hi. **Aneu 24, 25.**

Samuel a ciah ding ciangin, Saul patau mahmah hi. Samuel a puan panin lehkaih zezen hi. A puan a kikek ciangin, Samuel in bangci hiam? **Aneu 27, 28.**

Samuel a inn Ramah ah hong ciahkik ciangin dah mahmah hi. Saul pen ngaihsun tawntung hi. Amah in it in, Pasian thu a man ding deihsak mahmah hi. Pasian zong dah hi. Ahizongin Saul kikhel lo ding cih thei hi. Amah in Samuel tungah bangci hiam? **1 Samuel 16:1.**



NGAIHSUN-IN: *Pasian in nadangte sangin, Satan kiang pan i suahtak ding hong deihzaw*



KAMNGAH

Thuhilhna ngai unla, pil un; tua thu nial kei un. **Paunak 8:33, ZSV.**

Hear instruction and be wise, and do not disdain it. Proverbs 8:33

bilo hiam? Na nu le pate in thuman ding a thupitna hong hilh lungdam lo nahiam?

MONDAY

2 A tungin, Samuel in Pasian sawl banga sep ding lau hi. Amah'n Pasian tungah bang gen a, Pasian in koici dawnkik hiam? **1 Samuel 16:2, 3.**

Samuel in thuman det ding na sinkhin a, Pasian in amah kem tawntung ding cih muang hi. Bethlehem khua a tun ciangin, tua khua a upate patau uh hi. Samuel in tuate tungah bang gen hiam? **Aneu 4,5.**


Banghang in Samuel in biakpiakna ah Jesse leh a tapate tuamsap hiam, cih Jesse lunghimawh kha ding hi. Ahizongin, amah leh a tapa sagihte va pai uh a, a nautumpenpa tuucing ahih manin pai theilo hi.

Biakpiakna khiit, annnek madeuh-in, Samuel in Jesse tapate khat khiit khat ban-et hi. A u penpen, a thasaang leh mel hoih Eliab panin pan hi. Samuel in amah a et ciangin, bang hong ngaihsun hiam? Ahih hangin Pasian in bangci hiam? **Aneu 6, 7.**

Pasian gen khat pen eite in i ciapteh dingin thupi mahmah hi. Jesse' tapate a hoih vive, Samuel in khat

khit khat a et ciangin, Pasion in a gensa bangin genkikzel hi. **Aneu 10.**

Samuel a lungkham hi. Pasion in kumpi thak ding pen Jesse tate khat hiding hi, ci hi. Bang khialhna om hiam? Banghangin amaute khat zong kiteel lo hiam? A ta tawpna khit ciangin, Samuel in Jesse kian-gah bang dong hiam? **Aneu 11.**

 **NGAIHSUN-IN:** *Mi a mel-hoih leh a pil piante a thupi-deuh dingin na ngaihsun ngei hiam? Tua mi pen angsungkhual in a gilo khat hileh e? Bang in mi khat tuam-dangsak hiam? Pawlkhat gen in.*

TUESDAY

3 Pasion in Samuel kiangah, kumpikik ding pen Jesse tate khat hiding hi, ci khin napi, amaute a banban-in hong pai ciang-un, “tua pen hilo,” cikikzel hi. Tua ciangin Samuel in tuate lak ah khat omlo cih phawk a, samsak hi. Tua pa min in David hi.

David nasep in tuucing nasep hi a, a baih hilo hi. A tuute khat zong a manloh nadingin hoihtak a kep kul hi. Ganhing gilote in tuunote buluh in a taipih loh nadingun hoihtak-in a cin kul lai hi.

Pasion in David siamna khat pia a, amah in a tuute a cin kawm in tua siamna zangkhia hi. Ni khat khit ni khat, vantungte, mualte, singkungte, zan cianga aksite, leh Pasion bawlsa na khempeuh a et kawmkawmin, amah in lakam hong phuak a, harp tawh tumtheih dingin la in hong bawlkhia hi.


David’ phuah late pen phatna late kici hi. Amah in phatna late Lai Siangtho sungah tampi at hi. Tua zang-kuam sungah amah in a utzah in harp tumin la sa thei hi. David a aw ngaih-bang mahmah in, harp tum zong siam mahmah hi.

Jesse’ sawltakpa in David a muh ciangin, Samuel in mu nuam ahih manin amah in manlang takin ciah ding in a sam hi.



David in lamdangsa kha ding hi. Pasion nasem thupi leh kamsangpa in banghang in amah tawh kimu nuam cih hong ngaihsun theilo hi.

Ahi zongin a sawt loin, Samuel mai-ah hong ding hi. Samuel in David a et ciangin, Pasion in bangci hiam? Tua ciangin Samuel in bang hih hiam? **1 Samuel 16:12, 13.**

 **NGAIHSUN-IN:** *Samuel in David sathau nilh hi. David hi lecin bangci bangin ngaihsun ding na hi hiam?*

WEDNESDAY

4 Jesse’ innkuanpihte in mi khat sathau a kinilh ciangin ahang khat om cih thei uh hi.

Ahizongin Samuel in Bethlehem a paina ahang genlo hi. David Sathau a nilh khit ciangin amah omna Ramah ah kuamah kiang gense loin ciahkik hi.

David tuucing dingin paikik pah hi. Pasion in ni khat ni ciangin Ama adinga nasep khat a sem dingin amah teel khin cih thei hi. A tuute a cin kawm in, thu nakpi takin ngen hi. Pasion in ama ading nasep tuam a koisak pen amah in hoihtak-in sem nuam hi. Tua mun ah om hi lecin, ama la hoih nono sakte za in, harp atum ciangin Pasion min na phat pih ding hi.

Amah mah leh a tuute kikep kidal nadingin David in ciangkhit khat leh saili bek nei hi. Amah in tua tawh ganhing gilote that-in hawlkhia hi. Ni khat, humpi khat

hong pai in, tuuno khat tuahsawm hi. David in a ciangkhit leh a saili tawh a tuuno lakhia zo hi. Tua

humpi lehngat-in David a peh sawm ciangin, amah in deihtak manin a that hi. Khatvei leuleu, vompil tawh zong tuadan mahin om hi.


Samuel in David sathau a nilh khit ciangin, Kha Siangtho in a tuamdeuh-in ompih hi, ci-in Lai Siangtho in gen hi. **1 Samuel 16:13.** David a hangsan hangin, Pasion in huh kei leh, vompil le



humpite that zolo ding hi, cih amah'n thei hi.

David la phuahte nih khawng simlo ding ihi hiam?

Late 23; 28:7.

 **NGAIHSUN-IN:** *Ni khat ni ciangin, David in a tuute a cinna zanguam ah, a vangtaang vantage in tuucingte lasak ding uh hi. Amaute in bang la sa ding uh hiam? Luke 2:8-14.*

THURSDAY

5 David in Pasian' thu man ding leh Amah muan ding teel ahih manin, Kha Siangtho in amah huh hi. Ahi zongin, Saul tungah bang piang hiam? **1 Samuel 16:14, 15.**

Pasian' vanmite gilo hiam? Hilo hi. A gilo vanmite koi pan hiam? Satan kiang pan hi. Saul a buaisak ding in Satan' pawlte Pasian in na phal kei leh, amah in Pasian kiangah, "Nang pen thumaan kei teh. Saul in kei hong teel hi. Amah kei a' hi. Kei mah hong ze-etsak in," ci kha ding hi.

Satan in Pasian pen thutang lo ci thei ngeilo ding hi. Satan' sawltakte in eite hong ze-et ding pen Pasian in khaktan lo a, Saul a ze-et ding uh zong kham lo hi. Saul in amau thu man ding a teel hi.

Pasian pen thutang den hi. Eite lungdam ding leh lungmuan ding a lunggulh mahmah hangin Ama' thu a mang ding in hong aana sawl ngeilo ding hi.

Tu in Saul' ngaihsut thu in, ni khat ni ciangin amah kumpi hi nawnlo ding cih ahi hi. Hih thu bang hun ciang hiding cih lungchimawh hi. A thumanlohna kisik nuam loin, Amalek mite hangsan takin do ahih manin Pasian in Ama deih bangin ka hih loh hang phamawhsa ken teh, cih hong ngaihsun hi. Saul pen hong kiphasak semsem in, langpanna lungsim hong nei tektek hi.

Ni khat khit ni khat suuk semsem hi. Khat veivei Saul pen mihai bangin gamta thei zel hi. Khat veivei lah a lungkham luat manin kuamah tawh kiho nuamlo hi. Tua ciangin a nasempa in ngaihsut khat hong nei hi. Tua in bang hiam? **Aneu 16.**

Saul a thukim hiam? **Aneu 17.** Pasian in a nasemte khat tungah kua pai leh hoihipen ding cih theisak hi. Kua hiam? Nasempa in tua pa thu a gen nam guk na gen thei diam? **Aneu 18, 19.**



NGAIHSUN-IN: *Mi khat in na thu dong hileh, na lawm ahibkeh na siapa in nang thu bangdan in a gen diam? Jesu it lua, a ci thei uh diam? Thumang a ci thei uh diam? Maitai e? Thu nuam leh tha nuam?*

FRIDAY

6 Kamtaite hong pai in Saul kumpipa in David harp tum leh a lasak za nuam cih a gen uh ciangin in Jesse-te innkuan in lamdangsa kha ding hi.

A sawtlo in Saul kiana pai ding in a harp tawh David hong kithawi hi. **1 Samuel 16:20.**

Saul in David harp tum zaknopsa hi. Tua in lung-himawhna, hehna, leh lungkhamnate beisak a, amah tawldamsak hi.

Tu in **aneu 23** sim in. Tua a gen nopna na phawk lai hiam? Kha ninte Pasian kiang pan ahi thei ding hiam?

Pasian in a phal loh pi in bangmah piang lo ding cih i phawk ding kisam hi. Pasian muang in a thu i man nak leh i si phial zongin, bang-bang piang taleh lauh nading omlo hi. Ahi-zongin Saul in ama deihna zui hi. Himah hi, Pasian in tua bang ding in phal hi; Amah in a hihtheih hangin Ama thu mang ding in hong aana sawl ngeiloh hi. Tua manin vanmi


gilote in Saul a buaisakna pen Pasian' dahna himah leh, Amah'n khaktan loin, hihsak lel hi. Pasian in mihing' deihteelna daltan ngei lo hi.

Tu in David pen Saul tawh hong omkhawm mun ta himah leh, inn a ciah ding hun pen ngaklah den hi. David in a tuute a cin kawmin, Saul' thu ngaihsun hi. Vanmi gilote in Saul buaisak ahih manin amah a lungnuam theilo hi, cih David in thei hi. A harp tumna leh a lasaknate in tua dawil gilote hawlkhia cih thei ahih manin David a lungdam hi.




NGAIHSUN-IN: *Nang danin, David in a neutung panin Pasian muan ding leh a thu man ding na kisin hi. Amah in ki-phawk loh hangin, Pasian nasem boih khat hi ding in nisim-a a sinsin ahi hi.*

FURTHER STUDY: 1 Samuel 16; *Patriarchs and Prophets*, pp. 631–644; *The Bible Story*, vol. 3, pp. 185–192.



© sweetpublishing.com; License—<http://creativecommons.org/licenses/by-sa/3.0/>



THE STORY CORNER

Rascal leh Kuahawm - Khen 1

Adapted by Amy Sherrard

Rascal in lametna tak tawh tuikuang gei-a sual tungah a tu hi. Holly in a ankuang sungah an koih in moh-em nih tawh a koih pen a mei peekkawmsa leh lungdam takin a en gige hi. Holly in Rascal zut in nuihsan hi, ahih hangin amah in a ngaihsut taktak pen a inn tawh kizom-a teeng Mrs. Clark ahi hi.

Holly in a anbuk kongkhak pua lam ah, tua ankuang a koih kawmin a innzom a Mrs. Clark i uino “Jigger” thu ngaihsun hi. Jigger a man’cip pen kal thum le alang bang pha ta hi. Mrs. Clark in amuh miteng kiangah dongin, zong kawikawi a, laidal tawh tangko kawikawi hi. Mrs. Clark in a uino a phawk mahmah lam Holly in thei hi.

Rascal in a an tunga kikoih moh-em nihte nil-khia a, an a nek pen a et kawm in Holly in, “Mu leng ut sing maw” ci-in ngaihsun hi. Rascal in zong Jigger phawk ding cih thei hi, banghang hiam cihleh nisim in amau kimawl khawmden uh hi.

A sawt loin Rascal in kuang sunga anteng gai a, akuang liak siang sitset hi. A moh-em nihte lak sawm in a kam tawh a pet a muh ciangin Holly nui hi. Khat pen la masa a, a khat la ding in a kam a hon ciangin a khat pen kiatsuah leuleu hi. A tawpna ah, Holly in tua moh nihte laksak-in Rascal kam-ah a guansak hi.

“Rascal aw, munciteng vuk in tuam-in, tui teng khal hileh na ante koi ah na phum zen tam?” ci-in Holly in dong hi. Rascal in khat veivei lei khuat in tua sungah phum a, tawmvei khit ciangin lakhiakik zel cih Holly in thei hi. Amah in huang daii kankan a, a pua mun awngna ah a taaina gal-et hi. Khuavot mahmah-in Holly a ci lingphial himah leh, Rascal huang kiu ah a khawl dong gal-et hi. Tua khit ciangin a lu lei ah a kimu non loh zahin a phumsuk dongin gal-et leuleu hi.

“Hia ui in a bang hih hiam?” ci-in Holly lunghi-mawh hi. Vuk lak ah a khekhap om ditdet khin ahih manin, tua mun ah tampi vei pai khin cih thei hi.

Holly in a kuang sawp a kul lam thei hi, ahih hangin koih hit-hiat lai hi. Rascal in bang hih hiam cih thei nuam ahih manin Rascal’ paina lampi zui-in pai hi.

Rascal in Holly pai a muh ciangin, va taai-in va dawn hi. Kipaak takin a kimkot ah dianga, tua khit ciangin, ahuang kiu ah taatik hi. Holly in zong zuisuk a, thakhat-in khawlvat hi. A pa un, tua kim-a naupangte kiangah pai kei un, ci-a a khamna mun ah Rascal hong taai mawh hi.

Tua huang kiu ah nin tawh a kidim tuikhuk lui khat a om hi. Tua tuikhuk lui a kikhuh hangin, a pa un lauhuai veve hi, pai kei un, ci-in gen hi.

Hehpihna tawh hong naih lai in a ci bang in Rascal pen hong ham hi. Kidawm tak leh damtek-in, ama kiangah Holly hong pai hi. Amah a hong nai semsem ciangin, Rascal zong lawp semsem hi. Hi teng pen Rascal in a anteng a selna mun ahi diam, ci-in Holly lunghimawh hi. (Zop Lai Ding).



Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.